

ხელშეკრულება N 2024/14/108
სახელმწიფო შესყიდვის შესახებ
(ელექტრონული ტენდერი NAT240003618)

ქ. თბილისი

19.03.2024 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი შესყიდვების სამსახურის უფროსის დროებით მოვალეობის შემსრულებლის, რევაზ კავთელიშვილის სახით და შპს „პრიმა ჯორჯია“ (ს/კ 405112088) შემდგომში წოდებული „მიმწოდებლად“, წარმოდგენილი დირექტორის, რევაზ სამხარაძის სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1 ხელშეკრულება სახელმწიფო შესყიდვის შესახებ (შემდგომში – 'ხელშეკრულება') – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 ხელშეკრულების ღირებულება – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.
- 1.8 „სატენდერო დოკუმენტაცია“ - სატენდერო განცხადებას თანდართული დოკუმენტაცია, რომელიც შეიცავს „სახელმწიფო შესყიდვების შესახებ“ კანონითა და სახელმწიფო შესყიდვების სააგენტოს თავმჯდომარის N 12 ბრძანებით დადგენილ „ელექტრონული ტენდერის ჩატარების წესის დამტკიცების შესახებ“ ნორმატიული აქტით განსაზღვრულ ინფორმაციას და არის სატენდერო პირობების ნაწილი (წარმოადგენს ხელშეკრულების განუყოფელ ნაწილს).

2. ხელშეკრულების საგანი

- 2.1 ხელშეკრულების საგანია გრავირებული კრისტალის ჯილდოების შესყიდვა შესაბამისი ზომის მუქი ლურჯი ფერის მუყაოს შესაწახ ყუთებთან ერთად (CPV 18500000 - სამკაულები, საათები და მონათესავე ნივთები, 18530000 - საჩუქრები და ჯილდოები).
- 2.2 შესასყიდი საქონლის დასახელება, რაოდენობა და ტექნიკური მახასიათებლები მოცემულია მიმწოდებლის მიერ წარმოდგენილ ფასთა ცხრილში (დანართი №1), ხოლო შესყიდვის ობიექტის

საორიენტაციო ვიზუალური თვალსაჩინოების ამსახველი მასალა ასახულია სატენდერო დოკუმენტაციის 1.2 პუნქტში.

3. ხელშეკრულების ღირებულება

- 3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად და შეადგენს 9200 (ცხრაათას ორასი) ლარს.
- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

4. მხარეთა ვალდებულებები

4.1 მიმწოდებელი ვალდებულია:

- 4.1.1 უზრუნველყოს დანართი N1-ით განსაზღვრული საქონლის მიწოდება სატენდერო დოკუმენტაციის 1.4 პუნქტის შესაბამისად, მიწოდების ადგილი: ქ. თბილისი, გორგასლის ქ. N22.
- 4.1.2. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ მოახდინოს რეაგირება და უზრუნველყოს აღმოჩენილი ხარვეზების გამოსწორება.
- 4.1.3 განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- 4.2.1 უზრუნველყოს ინსპექტირების განხორციელება;
- 4.2.2 განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

- 5.1 მოსაწოდებელი შესყიდვის ობიექტი უნდა იყოს ახალი, ექსპლუატაციაში არ მყოფი, ქარხნული შეფუთვით, უნდა ინარჩუნებდეს თვისობრივ და ხარისხობრივ მაჩვენებლებს.
- 5.2 იმ შემთხვევაში, თუ მიწოდებული შესყიდვის ობიექტი აღმოჩნდება უხარისხო, საწარმოო წუნით ან/და დეფექტით ან/და ტექნიკური დავალებით განსაზღვრულ პარამეტრებთან შეუსაბამო, ტენდერში გამარჯვებული კომპანია, ვალდებულია მოთხოვნიდან 2 (ორი) სამუშაო დღეში განახორციელოს წუნდებული შესყიდვის ობიექტის შეცვლა, ახალი, მოთხოვნილი პარამეტრების მქონე შესყიდვის ობიექტით, შემსყიდველის მხრიდან რაიმე დამატებითი დანახარჯის გაწევის გარეშე.

6. ინსპექტირება

- 6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.
- 6.2. ინსპექტირება განახორციელდება შემსყიდველის წარმომადგენელი უფლებამოსილი პირის მიერ. შემსყიდველის მხრიდან ინსპექტირებაზე უფლებამოსილ პირს წარმოადგენს სსიპ საჯარო რეესტრის ეროვნული სააგენტოს გეოდეზიისა და გეოინფორმაციის დეპარტამენტის მიწის აგეგმვის სამსახურის უფროსი გიორგი პეტრიაშვილი ან მისი არყოფნის შემთხვევაში დროებით მოვალეობის შემსრულებელი.

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4 ინსპექტირება გულისხმობს, როგორც შესყიდვის ობიექტის მოცულობისა და ხარისხის კონტროლს, ასევე ხელშეკრულებაში მითითებული ვადების კონტროლს.

6.5 ხელშეკრულების ნებისმიერი პირობის დარღვევის შემთხვევაში, ინსპექტირების განმახორციელებელი პირი ვალდებულია, აღნიშნულს შესახებ წერილობით აცნობოს შესყიდვების სამსახურს.

7. საქონლის მიღება-ჩაბარების წესი

7.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7.2 შემსყიდველის მხრიდან საქონლის მიღებაზე უფლებამოსილ პირს წარმოადგენს სსიპ საჯარო რეესტრის ეროვნული სააგენტოს გეოდეზიისა და გეოინფორმაციის დეპარტამენტის უფროსი ივანე ცარციძე ან მისი არყოფნის შემთხვევაში დროებით მოვალეობის შემსრულებელი პირი.

8. ანგარიშსწორება

8.1 ანგარიშსწორება განხორციელდება შემდეგი პირობებით

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2024 წლის სახელმწიფო ბიუჯეტის სახსრები.

8.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის, წარმოდგენილი სასაქონლო ზედნადების და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან წარმოდგენილი შესაბამისი ცნობის საფუძველზე, მიღება-ჩაბარების აქტის გაფორმებიდან 10 სამუშაო დღეში.

8.3 ხელშეკრულების ნებისმიერი პირობის დარღვევისათვის დაკისრებული პირგასამტეხლოს შემთხვევაში, ანგარიშსწორება განხორციელდება შემსრულებლის მიერ პირგასამტეხლოს შესაბამისი რაოდენობის თანხის გადახდის შემდეგ.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის „4.1.1“ ქვეპუნქტით განსაზღვრული საქონლის მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით, ხოლო ვალდებულების შეუსრულებლობის შემთხვევაში ხელშეკრულების მთლიანი ღირებულების 5%.

10.2 წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

10.3 წინამდებარე ხელშეკრულების 5.2 პუნქტით განსაზღვრული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე წუნდებული საქონლის ღირებულების 0.02 %-ის ოდენობით.

10.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

10.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2024 წლის 20 აგვისტოს ჩათვლით.

15. ფორს-მაჟორი

15.1 წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარო საწესდების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის 'ფორს-მაჟორი' ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეეძნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. მხარეთა რეკვიზიტები

შემსყიდველი:

საჯარო რეესტრის ეროვნული სააგენტო,

წარმოდგენილი შესყიდვების სამსახურის უფროსის
დროებით მოვალეობის შემსრულებლის, რევაზ
კავთელიშვილის სახით,

მისამართი: ქ. თბილისი, გორგასლის ქ. №22

საბანკო რეკვიზიტები: ანგ: ხაზინის ერთიანი ანგარიში
№GE24NB0330100200165022,

სახელმწიფო ხაზინა, ბანკის კოდი: TRESGE22,

სახაზინო კოდი: 707427078

სკ - 202238621

მიმწოდებელი:

შპს „პრიმა ჯორჯია“

წარმოდგენილი დირექტორის, რევაზ სამხარაძის
სახით,

მისამართი: თბილისი, საჯაიას ქ., N 8

საბანკო რეკვიზიტები:

ანგ. №GE28TB7928836080100001,

სს „თიბისი ბანკი“

კოდი: TBCBGE22

სკ 405112088

N	დასახელება	აღწერილობა	ლოგო/ტექსტი	განზომილება	რაოდენობა	ერთეულის ღირებულება	საერთო ღირებულება	წარმოშობის ქვეყანა/მწარმოებელი	მიწოდების ვადა	მიწოდების ადგილი
1	კრისტალის ჯილდო	- კრისტალის მართკუთხა პარალელებიპედი, ლოგოს და ტექსტის შიდა თეთრი ლაზერული გრავირებით. ზომა არანაკლებ 30x70x100 მმ. - კრისტალის მართკუთხა პარალელებიპედის შესაბამისი ზომის შესანახი მუქი ლურჯი ფერის მუყაოს ყუთი, დარბილებითა და ატლასის სარჩულით.	- იუსტიციის სამინისტროს ლოგო - საჯარო რეესტრის ეროვნული სააგენტოს ლოგო - მიწის ნაკვეთებზე უფლებათა სისტემური რეგისტრაციის პროექტი - თვის საუკეთესო უძრავი ქონების ამგეგმავი	ცალი	120	57,5	6900	ჩინეთი Crystal Handicrafts Co., Ltd.	საქონლის მიწოდება უნდა განხორციელდეს ეტაპობრივად, ოთხ ეტაპად (ლოგოს/ტექსტის ზომები შემსყიდველთან შეთანხმებით). პირველი მიწოდება უნდა მოხდეს ხელშეკრულების გაფორმებიდან 15 სამუშაო დღის ვადაში, ხოლო ყოველი მომდევნო მიწოდება თანმიმდევრულად, თვეების მიხედვით, ყოველი თვის 20 რიცხვამდე. თითოეულ ეტაპზე მოსაწოდებელი რაოდენობაა არანაკლებ: 30 ერთეული ამღენივე ერთეულ ყუთთან ერთად (მათზე დატანილი უნდა იყოს „ჯილდო N1“ დანართი განსაზღვრული ლოგო/ტექსტი) და 10 ერთეული ამღენივე ერთეულ ყუთთან ერთად (მათზე დატანილი უნდა იყოს „ჯილდო N2“ დანართი განსაზღვრული ლოგო/ტექსტი). შენიშვნა : ზემოაღნიშნული მიწოდების გრაფიკი არ გამოირჩევა შესყიდვის ობიექტის სრულად მიწოდებას (შესაძლებლობის შემთხვევაში) ხელშეკრულების გაფორმებიდან 15 სამუშაო დღის ვადაში	ქ. თბილისი, გორგასლის ქ, N 22
2	კრისტალის ჯილდო	- კრისტალის მართკუთხა პარალელებიპედი, ლოგოს და ტექსტის შიდა თეთრი ლაზერული გრავირებით. ზომა არანაკლებ 30x70x100 მმ. - კრისტალის მართკუთხა პარალელებიპედის შესაბამისი ზომის შესანახი მუქი ლურჯი ფერის მუყაოს ყუთი, დარბილებითა და ატლასის სარჩულით.	- იუსტიციის სამინისტროს ლოგო - საჯარო რეესტრის ეროვნული სააგენტოს ლოგო - მიწის ნაკვეთებზე უფლებათა სისტემური რეგისტრაციის პროექტი - თვის საუკეთესო უძრავი ქონების ამგეგმავთა მენეჯერი	ცალი	40	57,5	2300	ჩინეთი Crystal Handicrafts Co., Ltd.		
სულ ჯამი							9200			

შპს „პრიმა ჯორჯიას“ დირექტორი

რევაზ სამხარაძე